

Ejjenoo Waloo Dhaabotni Politikaa Amaaraa fi Oromoo Irratti Waltaane

Partiiwwan Amaaraa fi Oromoo fi keessummootni afeeraman Disember 2019 irraa eegallee hariiroo fi dhimmoota waloo ummatoota lamaanii irratti walitti deddeebinee marii geggeessaa turre. Dabalees, hogganootni partiiwwan kanneenii yeroo irraa yerootti walgahuudhaan dhimma gama lachuu ilaaluu fi waliigalatti biyya ilaalu irratti yaada waljijjiiraa turre. Hariiroon ummatoota lamaan gidduu, haala biyyichi amma keessa jiru jalatti, yoom irrallee caalaa marii fi walhubbanno akka gaafatu hubachuudhaan waltajjii hedduu geggeessinee qaxbiilee gaditti tarreeffaman irratti walta'iinsa irra geenye.

1. Rakkinoota politikaa biyya keenyaa furuudhaaf mariin-biyyolessa hunda hirmaachisuu akka jiraatu.
2. Shakii, walidiiguu, walirratti hadhaawuu, moggaatti waldhiibuu, tokko maqaa isa kaanii xureessuu, akkasumas ummata tokko kaan irratti gochaa kakaasu irraa of qusachuu.
3. Heddummini sabootaa fi sab-lammootaa, osoo dogoggora duraa ta'an deebisee hin raawwatane, dabalees akka dogoggora kanneen qajeelchutti, raawwatamuu dhaan akka mirkanaawu.
4. Mirgonni waloo fi namtokkee kabajamuudhaan akkasumas filmaatni walabaa fi dhugaa ta'e geggeeffamuudhaan sirni demokraatawaan biyya keenyatti akka mirkanaawu.
5. Oggeeyyii seenaa sabootaa fi sab-lammoota irraa walitti fiduudhaan seenaa biyyichaa fi hariiroo ummata gidduu qoratee dhiheessu dhaabbatni akka ijaaramu.
6. Nagummaan fi mirgootani ummata Amaaraa fi Oromoo naannoo walii keessa jiraatan, akkasumas kan ummatoota hundaa akka kabajaman.
7. Biyya keenya keessatti bakka hundatti nagaan fi tasgabbiin akka tikfaman, nagaan fi dhugaan akka jiraatu, akkasumas warri buqqa'e qe'ee isaaniitti deebi'anii jireenya isaanii geggeessan taasisu.
8. Heerri biyyi ittiin bulu haala hunda hirmaavchisuun akka wayyaawu.
9. Misooma dinagdee haala addaan hincitnee fi walqixa hirmaachisuun (sustainable and equitable economic development) humneessuu akkasumas fayyadamummaan ummatootaa dhugaa akka ta'u mirkanessu.
10. Walta'iinsaan qophii adda addaa waliin qopheessuudhan hariiroon waliin hojjachuu ummatotaa akka jabaatu gochuu.

Gamni lachuu quurrāmootaa fi gaffi belbeltuu ummatoota lamaanii irratti marii bal'aa geggeessine jirra. Qaxbiileen olitti tarrifaman kanneen ammatti irratti waltaane yeroo ta'an, kanneen hafan irratti fi dhimmota biyyicha ilaalu irrattis marii itti fufnee ummatoota biraas akka hirmaachisutti walta'insi biyyolessaa akka dhugoomu waltaane. Dhuma irratti, warra loogi tokko malee fi walabaan walgahiilee keenya aanjessuu dhaan nu wajjin hojjatanii dhugoomuu walta'insa seena-qabeessa kanaan nu gahaniif galata galchina.

Marii fi Ejjennoo waloo kanneen irratti Partiiwwan Polotikaa Qooda fudhatne:

Partiiwwan Politikaa Amaaraa	Paartii Badhaadhinaa	Partiiwwan Polotikaa Oromo
1. Partii Ummata Amaaraa Hundaa 2. Jaarmayaa Calaaqisa Amaaraa 3. Jaarmayaa Ummata Amaaraa Hundaa 4. Jaarmayaa Jireenyi Amaaraa Tokkummaa Itiyoophiyaaf 5. Sochii Humna Dimokratwaa Amaaraa 6. Sochii Sabummaa Amaaraa	1. Damee Amaaraa 2. Damee Oromo	1. Adda Bilisummaa Oromo 2. Kongresi Federalaa Oromo 3. Adda Bilisummaa Oromo Tokkoome 4. Partii Biyyoolessaa Oromiyaa